




ՓՈԽՈՒՄՆ ՅԱՇԽԱՐՀԻՍ

ԱՄԵՆԱՊԱՏԻՒ ՏԵԱՌՆ

ՍՈՒՔԻԱՍԱՅ ՎԱՐԴԱՊԵՏԻ ՍՈՄԱԼԵԱՆ

ԱՐՀԻԵՊԻՍԿՈՊՈՍԻ ԵՒ ԱԲԲԱՅԻ

ԴԱՌՆ և դժուարին պարտք'ի վերայ եդան օրագրիս, նսեմացուցանել այսպէս զդէմս իւր արտասուախառն սեւակաւ, և գուժել իւրոցն ընթերցասէր մտերմաց զորքանալ Ուխտիս Սխիթարայ յանակնկալս 'ի սիրայնոյ Հօրէն, և յաստուածապատիւ Հոգեւոր Տեառնէն ՍՈՒՔԻԱՍԱՅ ՎԱՐԴԱՊԵՏԻ ՍՈՄԱԼԵԱՆ. և չիք բան մեծի դառնութեանն անուշիչ, բայց յիշատակ յետին սպասահարկութե զոր մատուցանել ստիպի բարերարին իւրում վեհի 'ի շնորհապարտ մտացն:

Զորորդ զսա ունեւորվ մերոյ Սխաբանութեանս արժանաժառանգ յաջորդ յաթող բաբունապետին Սխիթարայ մեծի 'ի քսան և երկուց ա-

մաց հետէ, զթելս բարենշան աւուրց կենդանութեան իւրոյ 'ի նորին կենացն 'ի հիւսս անանջատ համարէր խառնեալ մատամբ բարեխնամ Մարտիրոս. այլ աւանդ, բազմաժամանակեայ բուռն խօթութիւն դարանեալ այնպիսում կենաց, ուր ուրեմն զօրացաւ քան զսրտառուչն պաղատանս որդեկաց նորա առ տէր, և քան զհայրասէր ինամնն որովք դիւր վշտացն առնել ճգնէին ամենայն փութով. և խզեաց զթելն ոսկեթել, և ջլատեաց զնորին կենդանութիւն: Իայց ոչ. ոչ խզեցան աւուրք երջանկին մերոյ Հօր, այլ ընդ անմահական կեանս անուանակից սրբոցն իւրոց յերկինս կցեցան, և զմեր կենդանութիւն 'ի

նոյն խառնեցին :

Քանզի յաւուր տօնի սրբոց Սուրբիասանց , յորում ըստ տարեկանացն մերոց գեղեցիկ սովորութեանց և յայսնուագ բոլորեալ կայաքորդեակք ըս իւր , ա՛հ , ոչ զաթոռով Հայրապետիս , այլ զմահճօքն մահու , և զերկարութիւն անգին կենացն մաղթեաք նմա դողդոջոտ բարբառով ալեզարդ ծերունեաց և ջերմաջերմն արտասուօք ժիրաժիր երիտասարդաց , հոգեզուարճն այն յամենայնի և անդորրամիտն Վլուխ զանմեկնելին 'ի հայրենի դիմացն զժպիտ քաղցրութեան յաստուածարեալ դէմն իւր առաւելութեամբ իմն ծաղկեցուցեալ , բանիւ շրթանց զնորհակալիսն և եթ յայտ արար առ մեզ , և աջովս սրբով զօրհնութիւն իւր հայրենի բաշխեաց ետ մեզ 'ի միակ ժառանգութիւն քան զամենայն գանձս աշխարհի ցանկագոյն : Օ այս բանիւ և արդեամբք իսկ և մտօքն և սրտիւ , բա՛բէ , ընդ Սուրբիասանցն անշուշտ իւրոց սիրելի վկայից խօսէր արդարն , և հրաւիրանացն նց 'ի վերին օթեանսն զուարթերես խնդութեամբ անսայր հպատակել : Այլ չև ընդմիջեալ տխրական գիշերոյն , մինչդեռ դասք որդեկացս 'ի ծունկս խոնարհեալ զհայրենի անկողնան՝ աղօթս միաբանականս 'ի յուզարկարդարոյն մատուցանեաք , և աստատին բարեխօս որդեկացս լբելոց առ լստուած զամբիծ հոգին մաղթեաք՝ ննջեաց հայրն մեր զնինջ արդարոց , և թռեալ յանմահիցն խորանս : Արանի՛ նմա զի այնպիսեալ սրբութեամբ եկեաց , և այնպիսի մահուամբ յաստեացս փոխեցաւ . երանի՛ և մեզ , զի այնպիսւոյ հօր գտաք որդիք , որոյ վարուցն և մահուան նախանձելի յիշատակ անմոռաց կացցէ մնասցէ 'ի մտաց մերոց :

Ի դէպ էր արդեօք երկարագոյն բանիւք աւանդել աստանօր զպատմութիւն վարուց աստուածընտիր հայրապետիս մերոյ . այլ չափ և պայման դուզնաքեայ թերթիցս չներեն

մեզ զսոյն : Եւ առ դրեսցի առ ժամս սուղինչ բովանդակութիւն աստուածահաճոյ կենացն ընթացից :

Նսեալ էր նա յամի տեառն 1776 'ի վեցերորդի աւուր ամենանն փետրուարի 'ի բարեկրօն և յաջնուական տոհմէ Սումալեան-Հիւտավերտեանց 'ի Բիւզանդիա : Ընդստին 'ի մանկութե տիոցն զգաստասէր երեւալ և հոգեսէր , առ ոտն կոխեաց զմեծութիւն և զփառս աշխարհի , և ապաստանարան անքոյթ խնդրեալ իւրոցն առաքինութեանց՝ յամի 1796 փութացաւ պատսպարել 'ի կղզեկիս Սիւթարայ , և 'ի 1800 'ի 25 աւուր հոկտեմբերի կամակարմօք և զուարթութեամբ ոգւոյ դաշնաւորէր ընդ Տեառն ուխտիւք կրօնիս . որպէս և ինքն իսկ զլրումն ըղձիցն այսու բանիւք յայտ առնէ 'ի ժամանակագրութեան իւրում . “ () րհնեալ է ժամն յորում ուխտեցի , ” :

Այլ արդարեւ յայտնի իսկ եղեն օրհնութեան ժամուն արգասիք և յամենայն 'ի կենանն՝ զոր անցոյց 'ի գործս բարութեան , 'ի փրկութիւն ոգւոց , 'ի վարժս գիտութեանց և լեզուաց , և առանձինն 'ի զարգացումն հայդպրութեան . որում վկայէ և Պատմութիւն մատենագրութեան ազգիս մերոյ , որ անտիպ կայ տակաւին , և իտալականն և եթ համառօտութիւն տպագրեալ է 'ի 1829 :

Օ ամսեօթն 'ի քարոզութեան բանին վաստակեալ 'ի Սոստանդնուպօլիս՝ զամենեցուն իսկ զմեծարանս և զսէր յանձն իւր ձգէր աջնուական և քաղցր բարոյիւքն . և վերստին կոչեցեալ 'ի վանս՝ զգաստիարակութեան մանկտոյն առնոյր զհոգ :

Այլ հարկ էր առաքինութեան նորա և անընկճելի ճգանցն 'ի սէր ուխտիս և ազգին մերոյ՝ ընդ դժուարագոյն ևս կիրթս անցանել , յորժամ դէպ եղև նմա ճանապարհ 'ի հնդիկս առնել ընդ ումեմն 'ի կրօնակից եղբարցն առ 'ի ստանալոյ ազգիս զբարեյիշատակ ազգասիրին Ղա Սամուէ-

լի Սուրառայ զհրիտակ բարերարութեանն աւանդելոյ՝ ի ձեռս Սիաբանութեան մերոյ ի կառուցումն Սուրառեան վարժարանին :

Վարձ արարեալ անդրէն ի վանս անխոնջ պարապէր ի վաստակս գործոց կրօնիս, և ի հրահանգս իմաստից, յորս պայծառագոյնս փայլեցան առաքինութիւնք նորա բազմապատիկք . մինչ զի ի փոխել յաստեացս ամենապատիւ Տեառն Ստեփանոսի Լսոնց, ընդհանրական Լքբայի ուխտիս, յամի տեառն 1824 միաբան հաւանութեամբ ընտրեցաւ Սուքիաս Սարգապետ ի տեղի նորա . և ի 1826 ի 21 աւուր ամսեանն մայիսի ձեռնադրեցաւ յարքեպիսկոպոս Սիւնեաց ի մայր եկեղեցւոյ սրբոյն Սարկոսի ի գերյարգոյ պատրիարքէքաղաքիս ի լատիսլաւէ փրքերայ :

Յամի 1830 գնացեալ ի Հռովմա առաջիկայ գտաւ ընտրութեան Վրիգորի ժաւ սրբազան քահանայապետի յաթոռ սրբոյն Պետրոսի, և յետ ոչ բազում ինչ աւուրց դարձ առ իւրսն արարեալ երեւեցաւ ի նմա ախտ շնչարգել, որ այնչափ բռնացաւ զառաջինն զի և դերեացան առ նովաւ ճարտարութիւնք բժշկաց : Եւ ի ձեռնութափն լինել ի նմանէ մարդկեղէն հնարից, տեսան յայտնապէս արդիւնք ջերմեռանդն աղօթից որդեկաց նորա . քանզի իբրեւ ի դրանց մահուն գերծեալ անկարծելի, պարգեւեցաւ իմն նոցա հայրն իւրեանց ցանկալի այլ ևս ամս հնգետասան . և թէպէտ ոչ ի սպառ մերժեցաւ ի նմանէ դժուարինն այն խօթութիւն, սակայն նա անխափան ամենեւին անդրէն ի տեսութիւն գործոց վանացս դարձ առնէր, և այնչափ եռանդագին և աջալուրջ այնուհետեւ էր ի գործս Սիաբանութեան՝ զի և հիւանդութեանն գողցես չերեւին նշմարանք :

Քանզի առ նովաւ ոչ միայն հիմնարկեալն յերանաշնորհ բաբունապետէն մերմէ և պայծառացեալն առ եր-

կոզումբք յաջորդօք նորա յառաջադիմութիւն ուխտիս ի պէսպէս գիտութիւնս աճեաց և զարգացաւ օրքան զօր, այլ և նորօրինակ յառաջադիմութեամբ բարգաւաճեաց յամենայնի : Եւ ինքն զտպագրութիւն Վախնեացն մատենագրութեան ետ ազգիս ընծայել, և զոմանս ի նոցանէ յեղուլ յեւրոպական լեզուս . և հնարէր ևս ինքնագիր մատենիւք և թարգմանութեամբք և դպրոցական կարեւոր գրենոյն յօրինուածովք, և օրագրիս ևս հրատարակմամբ ծաւալել զգիտութիւն յազգս մեր :

Զպակասեցին նմա արդարեւ և հոգք բազումք և վշտակրութիւնք . այլնա ընդաբոյս երկայնմտութեամբն և աստուածեղէն շնորհացն օժանդակութեամբ ի կամս բարձրելոյն գուլ յամենայնի ապաստան՝ անվրդով պահէր յանձին և յիւրսն զխաղաղութիւն ոգւոյ, և ոչ երբեք տագնապէր, այլ մանաւանդ բազումանգամ երկրորդէր զառաժ մերոյ հիմնադրին և զյաջորդաց նորա և զընտիր աշակերտաց, եթէ՝ « Սիւտք և նեղութիւնք ի քաջալերս են մեզ և ի կադդուրումն յօգուտ փրկութեան ոգւոց և լուսաւորութեան ազգիս » :

Սակայն ոչ յապաղեցին և երկինք փոխարինել անվկանդ հաւատոցն և արութեան սրտին ազգի ազգի յաջորութեամբք . քանզի ի խոնարհելաւուրց կենաց իւրոց ետես զարդիւնս կամաց երկոցուն անմահ բարերարաց ազգիս զՍամուէլի Սուրառայ և զԴուարդայ Սաֆայէլի, և զյառաջագէմ զարգացումն զվարժարանացն հիմնելոց նոցին առատաձեռնութիւն, և իւրոցն վաստակովք ծաղկելոց դեղեցիկ դաստիարակութեամբ մերոյ մանկտոյն :

Վարձեալ և հայրենի սիրոյն պարգև չքնաղ՝ պարգեւեալ ուխտիս ի մեծէ Հայրապետէն Հռովմայ Վրիգորէ վեշտասաներորդէ ի սկիզբն այսր տարւոյ՝ սփոփանս անչափ և խնդութիւն անպատում եբեր նմա՝

իբրու առհաւատչեայ երկնային պարգեացն զոր պատրաստէր նմա Վրիստոս յերկինս : Վանգի և որք զերկնայնոցն յերկրի բերեն յանձինս զօրինակ , երկրաւոր ինչ վարձք չեն նոցա արժանի :

Եւ չաս ժամպսակելոյ առաքինաջան մշակին . և 'ի 6 փետրուարի յաւուր ծննդեան իւրոյ 'ի զայրանալ տակաւ ախտին խնդրեաց ընկալաւ փափաքանօք զթոշակ յաւիտենական ճանապարհին և զօծումն վերջին , և զաւուրս երիս 'ի պատրաստութիւն նախանձելի ուղեւորութեանն կեցեալ զուարթութեամբ՝ վերացաւ առ 'ի մէնջ , և եթող զիւրսն 'ի սուգ և 'ի զգածմունս , զոր զայս օրինակ յայտ առնէ մի ոմն 'ի տխրազգեցիցս իւրոց որդեկաց :

Ո՛հ , թէ 'ի վայրս անդ յարազուարճն խնդից Գուցէ վառել հրատ տըրտմախառն խանդից , Զուարթուն , ըզսիրտս 'ի սնարից բարձ տապանիս Զանկեալ բուրվառս զեղուն 'ի զմուռն ցաւոց , Ըարժեա 'ի թելս յուսոյ , սիրոյն հար ըզբոց , Ծըխեսցին սուգք 'ի կայծակունս ծիրանիս : . . .

Ո՛հ ոհ , քանի՜ դառն է , Աստուած , որբութիւն , Թէ և 'ի մահ հանապազ յայս տըքնիմբ տուն . Հատորք հեծեն հոգւոց ընդ Հայր այսգունակ , Երկնաւորին շօղափական հայելի . Յորմէ հրեշտակն 'ի սիրտս ազգեալ լիովի Գերակայիցն զուգակիրք կարծեաք :

Իսկ գու գանձուց Հոգւոյն հաստուած սըրտագին ,

Մըխիթարայ տանս և Հայոց ձիր անգին , Այսպէս երազս 'ի մէնջ սլացեալ թողուս զուրկ . Չե բոլորեալ երկանցդ անմահ մի պըսակ , Բազդ անհամբոյր , ահա ստիպիմք նոր տեսակ Սեասարաս հիւսել պըսակ , անկամտուրք :

Օ՛ր բաղձալի , և դու եղեր ապաժամ . . . Յաւիտենից մահ չըստացաւ բարեկամ . Աքօղեցաւ քնար , քստմնասարսուռ գեղան լարք , Եւ քաւութեանց բաժակք լըցան արտասուօք , Բարեկենդան մաղթանքս եղեն անողոք .

Ո՛վ եթերին կամբ , ի՛բր հիգացս էք գըժուարք :

Եւ տեսաք , ահ , և ընկճեցաք դառն 'ի տես , Զայս առաջին՝ Հայր մեր չարար մեզ երես . Երբ բոլորեալ զնովաւ 'ի գող սիրտ 'ի կուրծ Զանգիտեաք յերկինս հայել և յիրար , Զգարկ և զաչիւնսն գիտելով անդադար , Թէ դարձցի՜ շունչն 'ի սահմանէն մազապուրծ :

Բացեալ կային առ նովաւ մեր իսկ շիրիմք Եւ նըւաղեալ թափէին իզձք մըտերիմք . Բարձր էր 'ի մէնջ երկնից վըճիւն անաչառ . Այնքան օրհապ սրտից առ մին այն օրհաս Ոչ զօրեցին և այն ճըգունք և ըսպաս Դարձուցանել զարնն 'ի կէտն իւր պայծառ : . . .

Ո՛հ Հայր , ո՛հ կառք և երկվարք մեր հոգւոց , Ընդ տէրունի շաւիղ շարժիչ մերս անուոց . Դու վերանաս , և ճապաղին սիրտքս յերկիր . Հիմ երազես Հայր . երկինք . քո են երկինք . Վարուցդ անբիծ ճանապարհք բաց են վերինք . Եւ զի՞ գործեն այսքան որդեակք վըշտակիր :

Ո՛ տեսցէ յայսմ հետէ 'ի մեզ զորդեակս իւր Ըղձիւստունս , ըզգործս , արդիւնս խնամոց բեր . Ո՛ սրբեսցէ զաչս որ սրբիլ չառնուն յանձն , Ո՛ յամպամած գէմն ջահեսցէ զայն ժրպիտ Որով զամէն վշտաց 'ի մէնջ լուծեալ խիթ Թեթեւ ըզբեռն իսկ գործէիր մեզ վանձանց :

Երջանկութիւն զոր յորդեցեր՝ յորդէ զցաւս Բաղմապատիկ 'ի քէն ելոյ Հայրադրաւս . Ըզքէն խօսին , ըզքեզ առնեն ազգ համայն Ըաւիղ կենացս յորքս մըտսք և ուամանց , Զանիցս եռանդն ոյր վառեցեր դուն ըզխանձ , Յարկքն իմաստից յաջոյդ կնքեալք տատուածեան :

Լացէք եղբարք , Լացէք մանկտի զանդոյզն Հայր Որ զոսկեղէն դարուն նախնեաց եցոյց ծայր , Որ զանմահիցն հարազատ գիւտ գիտութեան Մեզ և հանուրց Հայկազանց եդ գիւրահուպ , Եւ զանգին տառս յամանակէն ալեծուփ Թափեալ ջնջեաց և պերճագոյնս 'ի լոյս հան :

Ինքն 'ի հովտէս երկանց արդ անց տարագէմ Յարժանաւորն հանգիստ անձին 'ի յեզեմ . Պարտ իսկ հանգչել տաժանելոյն վասըն մեր Որ ընդ խաչին իւրում կապեաց խաչս յոգունս , Յիւրն ըզմերցաւս հիւսեաց ծաղկանց իբր ըզփունջ . Յերկնից հասեալ էր սեամս , առ գուլթ աստ յամեր :

Հանգիր Օծեալ Գըլուխ , հանգիր արդ յամայր , Հոլաթեալ հոգւովդ և անդ գուլ մեզ Հայր . Ահա փոխեմք 'ի քաղցր ըզգառն արտասուս Յօժարագոյնք յայսմ հետէ աչք 'ի յերկին , Ուր յաւելար Գանձ մեր 'ի գանձս 'ի նախկին՝ Յոյց սերն անժոյժ հալեալ ծըխիմք 'ի վեր կոյս :

